

INUIT ATAQATIGIIT INATSIARTUNI



31.10.2024

Inatsisartut suleriaasianni § 37, imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqut

- 1. Illoqarfinni mikinerusuni nunaqarfinnilu imermik periarfissaqarluartuni kuuffissualersuinissaq siunertaralugu Naalackersuisut periusissialiornissamik aallartitsinissamut pilersaaruteqarpap?**
- 2. Inoqarfiit mikinerusut imermik periarfissaqanngitsut immamit taraluijaat atorlugu imiliorfinnik pilersitsiortornissaq siunertaralugu Naalackersuisut periusissiamik aallartitsinissamut pilersaaruteqarpap?**

(Inatsisartunut ilaasortaq Adam Kristensen, Inuit Ataqatigiit)

Tungavilersuut:

Inuit Ataqatigiit Kattuffiat juulimi 2024 Aasianni ataatsimeersuartitsimmat, Regine N. Bidstrup oqallisissiaa, nunaqarfinni kuuffissualersuisoqarnissaanut tungassuteqartoq, eqqartorneqarpoq tapersersorneqarluartumik. Naluneqanngitsutut illoqarfinni mikinerusuni nunaqarfinnilu anartarfinnik atserisarneq ajornartorsiutaavoq, igammik sulisoqarniarnikkut ajornartorsiorfiusarluni. Kuuffissualiorsinnaanerlu ajornartorsiutip qaangerniarnissaanut aqqutissaalluarpoq.

Taamatuttaaq inoqarfinni mikinerusuni ajornartorsiutit ilagivaat imeqarniarneq. Imermik amigaateqarnerup kigunerisinnavaa eqqiluitsuunissamik ajornartorsiuteqarneq. Iqqiluisaassagaannimi imeq pinngitsoorneqarsinnaanngilaq. Inuit Ataqatigiinni siunnerfigisarput tassaavoq nunatta naligiinnerusumik ineriartortinnissaa, tamannalu anguniarlugu sulivugut. Ataqatigiissakkamik periusissiornermi nunatta ineriartornissaa angusinnaavarput. tamannalu kissaatigisatta annerpaat ilangivaat, peqatigiillutalu nunarput alloriartissagipput.

Kissaatigaaralu apeqqutima ullut qulit iluanni akineqassasoq.